

# Scuvrir professiuns da banca a la FIUTSCHER

La BCG è presenting partner da l'exposiziun grischuna da professiuns e furmaziuns

Cuira, ils 8 da november 2018 – En paucs dis cumenza en la Halla da la citad da Cuira per la tschintgavla giada l'exposiziun grischuna da professiuns e furmaziuns FIUTSCHER. Al lieu è era la Banca Chantunala Grischuna (BCG). A chaschun da la FIUTSCHER preschenta ella sia purschida da scolaziuns e da perfecziunaments multifara. Visitadras e visitaders pon plinavant sa mesirar en il giu educativ FinanceMission Heroes e gudagnar premis.

Dals 14 fin ils 18 da november 2018 pon scolaras e scolaras e giuvenils sfunsar en il mund professiunal a chaschun da l'exposiziun grischuna da professiuns e furmaziuns FIUTSCHER. Era la Banca Chantunala Grischuna preschenta en la Halla da la citad da Cuira sia [purschida da scolaziuns e perfecziunaments](#) multifara. Persunas interessadas pon s'infurmar d'emprim maun davart l'emprendissadi da banca e l'emprendissadi da mediamaticher/mediamaticra tar la BCG. Emprendists sco per exempel Mauro Kühnis, l'emprim emprendist da mediamaticher da la BCG, dattan pled e fatg.

### In'entrada ideala en il mund da professiun

Per absolventas ed absolvents da la scola secundara è l'emprendissadi da banca l'entrada ideala en il mund da professiun. Persunas che termineschon ina scola media pon far in praticum. Durant lur scolaziuns survegnan las banchieras ed ils banchiers futurs mintga sis mais invista en ina nova partiziun. Ina variaziun bainvegnida en il mintgadi professiunal porschan excursiuns, champs u segiurns linguistics a l'exteriur. Vitiers vegnan engaschaments ad occurrenz sco il Project en favur dal gaud da muntogna che la BCG sustegna. Cun var 70 emprendistas ed emprendists è la BCG ina da las grondas patronas che porschan scolaziuns en il Grischun. Il 2018 è la banca vegnida undrada cun il «Great place to work» sco in dals megliers manaschis d'emprendissadi en Svizra.

### Gudagnar bigliets dal HCD

Dasper sia purschida da scolaziuns e perfecziunaments preschenta la BCG a ses stan er il giu [FinanceMission Heroes](#). Las visitadras ed ils visitaders pon sa mesirar cun quest giu educativ digital. La victura u il victur dal di gudogna bigliets per plazz da seser per in giu a chasa dal Club da Hockey da Tavau.

### Dal miradur a la pastenera fin al banchier

L'exposiziun grischuna da professiuns e furmaziuns ha lieu quest onn per la tschintgavla giada. Durant tschintg dis spetg'ins var 13'000 persunas interessadas, tranter auter numerusas classas da scola. Circa 80 expositurs preschentan 150 professiuns e 250 pussaivladads da sa perfecziunar. La BCG sustegna la [FIUTSCHER](#) sco presenting partner.

### Contact per ils collavuradors da medias:

Banca Chantunala Grischuna, Medias & Investor Relations, chascha postala, 7001 Cuira

Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11

Nadja Maurer, [nadja.maurer@gkb.ch](mailto:nadja.maurer@gkb.ch), telefon +41 81 256 88 01

La Banca Chantunala Grischuna sin:

[gkb.ch/medien](http://gkb.ch/medien) | [Twitter](#) | [Facebook](#) | [YouTube](#) | [Flickr](#) | [Xing](#)

---

#### **Banca Chantunala Grischuna – il leader en il Grischun**

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. La banca occupa 996 collavuraturas e collavuratur (stadi dals 30-06-2018). En il chantun Grischun cun sias numerusas vals e pliras linguas, è l'interpresa represchentada cun 53 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestril preschenta ella cun ina summa da bilantscha da CHF 26 milliardas in gudogn dal concern da CHF 99,4 milliuns. Il scrit da participaziun BCG è quotà a la bursa dapi ils 10 da settember 1985.

#### **Termins**

|                              |                  |
|------------------------------|------------------|
| Quint annual 2018:           | 8 da favrer 2019 |
| Radunanza dals participants: | 4 da matg 2019   |

---